

姚州志卷之四

督憲岑

易

學憲盧

鑒定

州尊

陸李張

正定

貢生甘雨輯

府憲陳

祠祀志

禮經所載釋奠於先聖先師及山川社稷五祀八蜡之祭皆祀典之正也其他能扞災禦患有功德於民者亦有祠以祀焉漢魏而降崇信釋道始有蘭若仙觀茲分別紀之庶無相混矣

廟壇

祠宇

寺觀

示

廟壇 祠祀志之一

是篇所載皆祀典之大者故以冠諸祠祀志之首

文廟 詳學校

武廟

姚州舊志在城東門內不知建自何時明知府陶紳重修乾隆三十五年火五十一年知州吳繼善重建嘉慶初年知州徐森重修採訪亂後將圯同治十二年州人朱士雲籌費修建

文昌宮

姚州舊志在南門內明土同知高梓潼賜建萬

曆三十二年知府楊頤土同知高映麟生員靳一鳳

萬中選重建乾隆十八年知府程家棟知州翁甲重修二十四年知府楊重穀知州屠可堂率紳士重修採訪亂後圯壞同治十年遷神位於德豐寺祀之光緒五年以所遺後殿三間遷建明倫堂

風雲雷雨山川壇

姚州舊志在大南門外採訪亂後圯

廢

社稷壇

姚州舊志在城西北隅採訪道光二十七年知

州吳嘉思遷建於城北亂後圯廢

先農壇

姚州舊志在城東門外採訪亂後圯廢

厲祭壇

姚州舊志在城北門外採訪亂後圯廢

史皇壇

卽尊經閣詳學校

魁星閣

雲南通志在學宮東南康熙四十五年知州張

彥紳建

雨案職官志康熙四十五年知州係張建策非彥紳也疑有誤說見職官志張建策條內

乾隆十一年知州丁士可重建四十六年州人夏詔

新改建

雨案此條與州舊志年分不合疑有誤存之以俟考嘉慶十一年知州

陳王謨十四年知州庚祥繼修

雨案職官志有王謨而無陳王謨又查嘉

慶十一年任姚州者乃田興梅王謨之署姚州實係嘉慶二年非十一年也此條亦有誤姚州舊

志舊在南城樓右年久將圯雍正八年知府楊輝祖

遷建於學署儀門外乾隆三十六年學正袁文康州人夏詔新遷建於文廟左嘉慶十三年知州庚祥學正呂暢遷建於文廟右又於南城樓右舊址重建一閣名曰小魁閣採訪道光閒州人官全以在文廟右者移建於南城外名曰彩雲樓亂後圯廢同治十一年知州張之彬移建南城樓右之魁星閣於小南門上光緒九年知州李光舒修建考棚因建樓於其北上祀魁星下爲大堂於是魁閣有二

兩案通志所載多有舛誤不如
州舊志之得其實閱者詳之

論曰考

大清會典所載有上祀中祀羣祀之分郡縣之

廟壇蓋中祀也嘗取其義而思之誦詩書而天下有

仁義之學則

文廟之祀重矣開稼穡而小民有粒食之資則

先農之祀重矣至於因土穀之利而祀

社稷因書契之用而祀

史皇因武略之張而祀

關帝因文明之象而祀

文昌

魁宿推之驗休徵於

風雲雷雨則有祀仰鉅鎮於

山川則有祀禳癘殃於

厲祭則有祀皆所以報本而反始理幽而治明義至
精典至重也歲時舉事則牲牷之肥腍粢盛之
豐備可不務乎

祠宇 祠祀志之二

古者祭祀鬼神之所皆稱廟稱宮秦漢以降始有稱祠者然必福佑下民或有功名教或澤被蒼生者乃建祠宇以祀之蓋非淫祀可比矣茲故別乎廟壇寺觀而著於篇

城隍祠 姚州舊志在北門內知府李贊修採訪光緒二年州人徐聯魁重建

八蜡祠 姚州舊志在南門內採訪經亂被毀光緒九年知州李光舒以其地改建考棚

小卜靈嶽祠 採訪在城北三里久廢

雨案通志載姚州有小卜靈嶽祠州舊志未之載也查舊志古蹟門載小卜戰死於姚後蒙人立祠於墓今考小卜墓在城北三里祠宇雖廢基址猶存通志所謂靈嶽祠疑卽此

武侯祠 姚州舊志一在城東十五里飽煙蘿山一在

城北門外採訪俱圯壞

鄉賢名宦祠 姚州舊志在學宮內舊係南向道光十

二年學正王埏改建東向採訪經亂被毀

忠孝節烈祠 姚州舊志舊在文昌宮外嘉慶閒學正

呂暢遷建於學宮道德坊內道光十三年學正王埏

改建忠孝祠遷建節烈祠於學宮外採訪經亂被毀

昭忠祠

採訪在東門內光緒五年州人徐聯魁建

趙公祠

管榆姚州志趙公諱恆晉江人進士嘉靖間

知姚安府有善政州人立祠祀之

互詳名宦

採訪久廢基

址無考

兩案藝文志有陶誕趙公生祠記係姚安府知府趙澍生祠據此則趙公祠疑有二但久廢俱無考耳

岑楊二公生祠

採訪在昭忠祠左光緒五年州人徐

聯魁率眾捐資建

論曰有城池有人民則有官以治之然王道治明
神道治幽此

城隍之神所以列於祀典也蜡祭之名歷代不同夏
曰清祀殷曰嘉平周曰蜡秦曰臘皆舉於季冬所
以聚萬物而索饗之也若夫忠孝節義之人歿則
薦以馨香固

國家崇重民彝之至意而風世勵俗之道寓焉矣至
若遺愛所留立祠以祀其亦有甘棠勿剪之思也
夫

寺觀

祠祀志之三

金像飛來半屬子虛之論白衣顯異盡歸烏有之鄉
然而雪積曇華足供詠嘯雲橫松嶺頗快登臨勝境
所見有如斯記載之文聊復爾

德豐寺

雲南通志在城南門內明永樂二年移建嘉
靖三十八年知府楊日贊重修總兵木璘匾其堂曰
眞如境界

光明宮

管綸姚州志在城東關外郡數被火災萬厯
間知府李贇建以祀火神採訪經亂被毀同治九年

提督楊王科重建

順天王廟

管綸姚州志在城南

鎖水閣

雲南通志在城外東北隅旁有鎖水塔塔係

蔡澍所建採訪閣塔俱廢

玉皇閣

姚州舊志在城南門內採訪光緒五年州人

徐聯魁倡首捐資重建

痘神祠

姚州舊志在武廟左知州高其佩建採訪今

廢

土主廟

姚州舊志在城西南隅採訪經亂被毀光緒

二年州人重建

維摩庵

雲南通志在城南門內明時州人張問善建

採訪今廢

青蓮寺

姚州舊志在城南門外明郡人陶珽建採訪

經亂被毀光緒九年陶氏闔族重建

觀音寺

姚州舊志在城外西南隅明時建康熙二十

二年僧覺知苦行重修採訪經亂被毀

三官廟

姚州舊志在城西門外採訪經亂被毀光緒

二年富有坊士民重建

五皇廟

姚州舊志在南街

五靈宮

姚州舊志在南街

眞武觀

姚州舊志在城北

藥王廟

姚州舊志在東門內採訪係經歷司舊署乾

隆間醫士倪宗唐任世榮饒融和承買改建

地藏寺

姚州舊志在德豐寺右採訪光緒五年州人

徐聯魁倡捐重建

蕭公廟

採訪在南街

禹王宮

採訪在北街亦名壽佛寺係湖廣會館